


## Republika e Kosovës Republika Kosova - Republic of Kosova

AGJENCIA KUNDËR KORRUPSIONIT  
AGENCIJA PROTIV KORUPCIJE  
ANTI - CORRUPTION AGENCY

Duke u bazuar në nenin 11 (paragrafi 1.1), nenin 5 (paragrafi 1.5) dhe nenin 18 (paragrafi 10 dhe 11) të Ligjit nr. 03/L-159 për Agjencinë kundër Korrupsionit si dhe nenin 19 (paragrafi 11) të Rregullorës së Punës të Agjencisë kundër Korrupsionit (nr.01/2014), Drejtori i Agjencisë kundër Korrupsionit me datë 05.08.2014, nxjerr këtë:

### V E N D I M

**I, Mbyllet rasti me Nr. AKK-03-1694-14 për z.Xhevat Bekteshi – Auditor i brendshëm në Ministrinë e Punëve të Brendshme, për shkak se është shmangur dhe parandaluar situata e konflikti të interesit në ushtrimin e funksionit publik.**

**II. Rasti mund të rihapet në çdo kohë kur mund të paraqiten rrethana të reja.**

### A r s y e t i m

**I. Rasti i hapur nën dyshimin e bazuar për Konflikt interesi në ushtrimin e funksionit publik, me nr. AKK-03-1694-14, për Zyrtarin e lartë, z.Xhevat Bekteshi – Auditor i brendshëm në Ministrinë e Punëve të Brendshme dhe njëkohësisht person i autorizuar në disa biznese private, është trajtuar sipas procedurës së paraparë ligjore, për parandalimin e konfliktit të interesit në ushtrimin e funksionit publik (Ligji Nr. 04/L-051).**

Zyrtari i lartë, z.Xhevat Bekteshi fillimisht është njoftuar nga Agjencia kundër Korrupsionit me situatën në të cilën ndodhet, si dhe me ndryshimet që duhet të bëjë, për të shmangur dhe për të parandaluar kështu situatën e konfliktit të interesit në ushtrimin e funksionit të tij publik.

Zyrtari i lartë, z.Bekteshi është deklaruar se biznesi në fjalë është pasiv dhe se ai do të nisë procedurën për shuarjen vullnetare të tij, për të parandaluar situatën e mundshme të konfliktit të interesit.

Ndërkohë, z.Bekteshi, në Agjencinë kundër Korrupsionit, ka dërguar shkresat zyrtare nga Agjensioni për Regjistrimin e Bizneseve në Kosovë (ARBK) "Informata mbi bizneset" (DPK-03-2781-14) në të cilën shihet se biznesi privat, "Erjoni" DPT., është shuar në mënyrë vullnetare.

Z.Bekteshi me këtë veprim ka parandaluar situatën e konfliktit të interesit në ushtrimin e funksionit të tij publik, dhe tani ai, ushtron vetëm funksionin e tij zyrtar si Auditor i brendshëm në Ministrinë e Punëve të brendshme.

II. Në mbështetje të nenin 18 (paragrafi 11) të Ligjit nr. 03/L-159 për Agjencinë kundër Korrupsionit. Agjencia mund të rihap rastin në çdo kohë nëse paraqiten rrethana të reja.

Andaj u vendos si në dispozitiv të këtij vendimi.

Vendimi iu dërgohet:

- Zyrtari i lartë publik
- Drejtorit të DPK-së
- Z./znj. (zyrtari përgjegjës)
- Z./znj. (zyrtari ndihmës)

Drejtori i Agjencisë kundër Korrupsionit

